


Alketab ka angguy nak - kanak  
ka angguy

Petrus ban  
Kobasana Du'a



Etos bi': Edward Hughes

E elustrasi agi bi': Janie Forest  
Alastair Paterson

E potdhut bi': Ruth Klassen

E terjemah agi bi': Anik Kongariawati

E gabay bi': Bible for Children  
[www.M1914.org](http://www.M1914.org)

©2023 Bible for Children, Inc.

Ba'na bisa pa - banyak otaba anyitah careta', se abit tah juelah.




Rasul Petrus meynos ka sakabbina  
nagara gabay aberta'agi  
ka reng-oreng laen  
parkara Yesus. Settong  
are, e kottha senyama  
Lida, Petrus apanggi ban  
oreng se ta' ga-jaga  
dhari katedhunganna,  
empon, abidda  
ballung taon.





"Yesus Kristus  
Mabarasa ba'na,"  
Petrus adhabu.  
"Mara jaga dhari  
patedhunganna  
ba'na." Orenge jareya  
laju jaga. Reng-oreng  
se nangale'e laju  
partaje ka Allah.






E semma'na kottha senyama  
Yope reng-oreng e dhisa' ce'  
ngenessa. Badha babine' kristen  
nyamana Dorkas mate. Kalaban  
ngenes ca-kancana nyeapagi may-  
yidda gabay ekoburragi, laju esabe'  
e kamar loteng  
e dhimma



reng-oreng  
padha ngenes.



Tape ca-kancana  
Dorkas ngedhing ja'  
Petrus badha e jadhiya.  
Reng-oreng jareya  
entar ka Petrus soro  
dhateng ka Yupe.




Sanapa'na ka jadhiya  
Petrus laju egiba ka  
kamar loteng, dha-  
randha noduwagi bi-  
kalambi ban ba-juba  
gabayana Dorkas se  
e angguy dha-randha  
jareya. Kabbi oreng  
nanges.



Bi' Petrus reng-oreng jareya epakon kalowar, salerana laju asojud ban ngadu'a. Pas addhep ka mayyidda ban adhabu, "Dorkas, mara jaga!" Dorkas laju mella', ban e bekto nangale'e Petrus, laju jaga ban toju'.





Bi' Petrus eastana  
tanangnga ban  
epajaga, saellana  
jareya Petrus adikane  
reng-oreng socce  
(Kristen) ban  
dha-randha, pas  
massra'agi Dorkas se  
la odhi' ka reng-oreng  
jareya. Kabar parkara  
kadaddiyan jareya  
balattra sa Yoipe ban  
banya' oreng se  
partaje ka Allah.



Petrus gi' alenggi e Yope Pan-barampan are  
aggi', e Bungko penggerra tase'. Settong are  
Petrus onggga ka kamar loteng kaangguy

ngadu'a. Salerana ngoladi  
sakalenglengnga kottha



jareya manabi  
salerana ngoladi  
tello oreng tamoy  
dhateng ka salerana.



Reng-oreng jareya abdina sardhadhu tantara  
Roma se esebut Kornelius, orengnga tako' ka  
Allah.



Kornelius ngotos  
abdidalem kaangguy  
atemmo bi' Petrus  
sabab malaekat  
adhabu ka aba'na  
e dhalem settong  
pangatonan, ...




"Kassa' ba'na nyoro oreng kaangguy ngolo'  
Petrus. Salerana badha e bungkona tokang  
sama'na kole' se nyama Simon, bungkona e  
penggir sereng.



Salerana dhegi'  
acaca ka ba'na  
ponapa se kodhu  
elakoanna ba'na."




Sabatara Petrus adu'a e attassa bungko, Allah  
ngerem settong pangatonan ka salerana. Pangatonan  
jareya akantha badha barang  
kaen lebar agentong  
e padduna se  
pa'-empa', se  
epatoron  
ka bume.



E dhalemma aesse samacemma keban se asoko  
empa', keban se agalanjar ban mano'. Petrus mator  
sakabbina jareya "haram". Jareya artena ja' agama  
Yahudi ta' olle kan-ngakan  
ban-keban jareya. Pas

ngedhing  
badha  
sowara se  
adhabu,  
"Mara jaga,  
he Petrus,  
mara sembelli  
ban Kakan!".




"Bunten, Guste, bunten! Petrus mator ka Allah.

"Sabab abdidalem ta' oneng neddha barang se haram ban najjis." Sowara jareya epangedhing ka dhu kalena settong sowara adhabu. "Ponapa se edhabuwagi halal bi Allah, ja' anggep haram." Pangatonan jareya elang sampe' tello kale ban Samarena jareya kaen gella' saessena eangka' buka lange'.



Petrus ta' ngarte ponapa artena dhari pangatonan jareya. Sabatara salerana mekkere pangatonan jareya, Allah adhabu ka salerana ja' badha oreng katello nyare'e ba'na ban kodu noro' kalaban reng-oreng jareya.



Katello oreng jareya mator ka Petrus ja' malaekat socce adhabu ka Kornelius agabay kerrem aba'na atemmo bi' Petrus, Petrus tao ja' Allah dhibi' se mempena reng-oreng jareya. Are salanjangnga, salerana ban kaennam oreng kancana meynos ka bungkona Kornelius.





Manabi, sa' abidda dhalem  
parjalananna ka bungkona  
oreng benni oreng Yahudi  
jareya, Petrus molae ngarte  
ja' Allah kaneser ka  
sakabbina oreng, ja' Allah  
terro sakabbina bangsa tao  
ja' Yesus Jurusalamed  
dunnya. E bekto Petrus  
napa', Kornelius asojud  
nyemba'a Petrus.



"Ngereng ngadek! Kaula paneka coma manossa jugan,"  
Petrus adhabu ka Kornelius. Laju salerana abu-dhabu  
ka sakabbina oreng se badha e dhalem bungko jareya,  
"Sampeyan padha oneng elarang kerras oreng Yahudi  
ahubungan ban  
oreng banni  
Yahudi  
otabe  
maso' ka  
dhalem  
bungkona."



"Namong Allah ampon noduwagi ka kaula, ja' kaula ta' kengeng nyebut oreng haram otabe najjis."




Petrus adhabu ka oreng Yunani (banne Yahudi) ja' Yesus jareya Ana' Allah se mate e kaju salib ban odhi' pole se daddi Jurusalamed dunnya. Laju Erroh Socce toron e atassa sakabbina oreng ban reng-oreng molae ji-moji Allah.



Enam oreng Yahudi kancana Petrus padha heran.  
Jareya akantha Pentakosta. Erroh Socce jugan  
toron ka reng-oreng Yunani (banne Yahudi).  
Bi' Petrus reng-oreng partaje se anyar  
jareya ebaptis kalaban asmana Yesus.



E Yerusalim, oreng Kristen ageger ka Petrus sabab Petrus meynos ka oreng Yunani. Daddi Petrus ngoca' ka reng-oreng jareya parkara pangatonan ban Kornelius se etarema du'ana. E bekto reng-oreng ngedhing parkara jareya, oreng Kristen e Yerusalim ta' ngoca' pa-apa. Laju reng-oreng jareya ngamolja'agi Allah, se andhi'na, adu'a, noduwagi ka gareja Kristen ja' Allah ngateresnana ka sakabbina oreng.



Petrus ban Kobasana Du'a

Alketab jareya nyareta agi firmanna  
Guste Allah

se e bedhe' e

Caretana Para Rasul 9-12

"Masuk ka firmanna Guste Allah e beri tera'."  
Bangsalam 119:130



Tade'



Careta Alketab notorrangi Guste Allah paneka se becce se nyepa' agi manossa sopaja ba'na kenal ka salerana.

Guste Allah tao manossa ngaloko'agi se jube', se e sebut dusa. aokoman dusa jareya e patte'e, tape kataresna'anna Guste Allah ka manossa setalebat raja ban apereng Pottrana se coma settong, Yesus, se mate ekaju salib ban aokom kaangguy dusana ba'na. Laju. Yesus a bungo ban abali ka sowarga! Bile ba'na partaje ka Yesus ban apenta saleranan ngamponi dusana ba'na salerana angalako agi. Salerana rabu ban odhi ban ba'na sateya, ba'na odhi sareng salerana salanjangnga.

Bile ba'na partaje, ngadoa ka Guste Allah cara jareya: duh Guste Allah, abdi partaje ka Guste Allah, se daddi manossa laju seda sabab dusana abdi, ban Salerana odhi pole. Mara datheng ka odhi na abdi ban angapora dusana abdi, sopaje abdi odhi anyar, ban e are gu'laggu abdi oleh odhi ban Salerana. Abanto abdi noro'lampadda padana Salerana ban odhi na abdi daddi potrana Gustte Allah.

Ngabaca Alketab ban ngadoa ka Guste Allah ban are. Yahya 3:16

